

الرشاد

سری ۱۳۳۰

والله يهدي من يشاء الى صراط مستقيم دینی، علمی، ادبی، سیاسی هفته‌لق جموعه اسلامیہ در اتبعون اهدکم سبیل الرشاد

صاحب و مدیر مسئول : ع . اشرف ادیب

جلد ۲ — ۹

۶ کانون اول ۱۳۲۸

پنجشنبه

۹ محرم ۱۳۳۱

عدد ۶۱ — ۲۲۳

اك بیکس و اك شایان مرحمت بر قسمی تشکیل ایتکده درلر .
بوزوالیلرک بو دقیقه اللهدن باشقه حامیلری یوقدر .
اوراده کی قرداشلریزه ایدیلن فناقلری ، یاپیلان قتل عاملری بویله بر
ستونله دکل جلدلر طولوسی یازی یازمتله بتیرمک قابل دکدر .

باغار وحشتی

بلغارستانک محکوم اسارتنده یشایان بیچاره اسلام قردشلیریزه
بلغارلر طرفندن ایدیان ظلم و تعدیات آرتق توپلری اورپرتجک بر
راده یه وارمشدر .
اوراده هر آن دایاغه ، تعرض و قتاله معروض بولنان سفالتدن
ایکله ین قردشلیریزه انسانه دکل ، وحشی حیوانلره بیله روا کوروله میه جک
مظالم یالقمده در .
بلغارستانده سفر برلرک اعلانندن برو قتل ایدیلن معصوم و
بیکنه اسلاملرک حد و حسابی یوقدر .
آغلامقدن یالوارمقدن ظالملر متاثر اولمادیلر . اسلاملره مسکون
اولان کوی و قصبه لر بوکون برر مزارستان حالتی آلدیلر .
شهید و قتل ایدیلن اسلاملرک کیروده طول قالان عاٹله و چوجو-
قلرینک حاللری کورمک اک غدار قلبلری بیله آغلامق ایچون کافیدر .
بلغارستان مسلمانلرینک مدار افتخاری اولان ومنوراتی
تشکیل ایدن بر خیلی کنجلی شیه اوزرینه توقیف
ایدیلرک زندانلرده دایاق و قورقو آلتده تجن ایتدیلر .
باغار حیدودلری سواقلرده حکومتک کوزی اوکنده قافله قافله
کزمکده ومالری میز یغما ایله والده لریمک ، همشیره لریمک ناموسلرینه
تجاوز ایتمکده درلر .
دلی اورمان طرفلرنده بر چوق بیکنه اسلاملری قورشونه
دیزدیلر .

رازغرامد ملحق «قالاوا» قریه سنده یوزدن زیاده اسلامی
اوچر اوچر باغلابوب قصابخانه ده قیون کسر کی کسدیلر .
پراوادی به تابع «مرادر» قریه سنده کی اسلام معتبراتی غزالیه رق
یاقدیلر .
سلسلته ده کی جوامع شریفه عسکره مخصوص دوموز یاغی دبولغنه
تحویل ایدلدیلر .

کذا سلسلته نک سطرلی جامع شریفی مؤذنی حافظ محمدافندی به
بلغار نظامیه عسکرلری جامعده ، او مقام مقدسده بیک درلو
اشکنجه لر ایدرک دین مینمزله اکلندکن وزواللی بی سونکولریله
سجده یه یاتیرتدیروب توفک دیجیکلریله پک چوق دوکدکنصکره
منارهدن آشانی آتهرق بیچاره بی حیاسندن قطع امید ایدیلرک صورتده
جرح ایتمشدر .

بلغارستانک هر طرفلرنده اسلاملره کیجه کوندوز آنغاریا
ایشلتدیرلمکده در .

میدان حربدن کلن بلغار مجروحلری جنرال رادقودیمرفک

لحومک کندی اللریله قاوورمه یاللسی واوز غازی اولادلرینه تقدیم
قلنسی قرارلاشدیرلمشیدی . بیرامک ایکنجی کونی ایدی ، قائممقام
پک ، حاکم افندی وبتون اشراف قربانلری برر برر حکومت جوا-
رنده کی بیکار باشنه کتیرلدی ، بر دعا ایدیلرک قربانلر ذبح ایدلمک
باشلاندی . هپ بر آغزندن بارگاه احدیته ایصال قلنان تکبیر صدالری
وجدانی یرندن اویناندی ، توپلری اورپرتدی . ذبح ایدلمک ، قربان
اولغه لایق اولان کندیلری ایکن من طرف الله بوحیوانجقارک کندی
نفسلرینه فدا و بدل اولدیغی هرکس بیلیور . لسانلری تکبیر خوان ،
کوزلری ملول ملول ذبیحه نکران ، اشک تاثر سیلان ایدیوردی .
محافظه دین ووطن ایچون بوحیوانجقارک کی کندیلری ده اولمک ،
قربان اولق ایچون سونیوردی . ذبح ایشی ختام بولدی ، بیوک
کوچک اللر ، قوللر صیغامغه ، بر فعالیت فوق العاده ایله اتلر طوغرامغه ،
قاوورمه یالغنه باشلاندی . بوایشه قائممقام و حاکم افندیلر طرفندن ده
بالفعل اشتراک ایدلدی تمیز و نفیس اولمسنه غایت دقت ایدلدی .
اوتوز ایکی ساعت غیرت اوله رق اوچیز اوتوز ایکی قیه قاوورمه
احضار و تشکله قونه رق آغزلری لهملندی . بونکله برابر قصبه
و قرادن ۶۳۸ عدد کومک ، ۷۳۴ عدد طون و ۲۷۹ عدد باموقلی
یلک تدارک ایدیلرک حربیه نظارت جلیله سنه تقدیم ایدلمک اوزره
مقام قائممقامیدن قرمان قائممقامغه ارسال قلندی . حیت اسلامی سی
جوشان ذوات قربان دریسی و اعانه تقدیه جمعی ایچون قریه شتاب
ایتدیلر . بمنه الکرم جمع وارسالنده بونلرکده آریجه اشعارقلنه جغتک
عرضیله اشبو ورقه نک جریده اسلامی لرینک برکوشه سنه درجی
استرحام ایلم .

موط قضای مفتیسی

محمد نادر

سبیل الرشاد

بز امینزک ، رهبرلک ایدنلر اولسه ، بتون مسلمانلر حق یولنده
هردرلو فدا کارلقدن چکنمزلر . فقط نه چاره که ملت رهبر اولسی
لازم کلن علما و مفتیلر رهبر محتاج بر حالده . بتون مفتیلر من مشارالیه
محمدافندی حضرتلری کی اولسه یدی نه لر اولور ، نه لر یاپیله بیلیردی ...
الله جمله مزی خواب غفلتدن ایفاظ ایلمه !

سبیل الرشاد میره اسماعیلی اراده نه

افندم

بلغارستانده کوردیکم ظلم و اعتسافات اوزرینه بریچق ماه مقدم رومانیا
طوپراغنه التجایه مجبور اولمشدق .
بوندن اون بش کون مقدم عسکری معاینه سی ایچون بلغارستانه کیتمشدم .
بلغارلر اسلام کنجلی معاینه ایدوب پندرلرینک ثروتلرینه کوزه ویرکو
آلیرلر . بوسنه عسکری ویرکوسی کچن سنه لره نسبتله ایکی قات دهافضله در .
معاینه بی متعاقب تبدیل هویت ایله دین و ملیتی صاقلایه رق بلغارستانک
برچوق قصبه لرینی طولاشمغه واورالرده یشامق فلاکتسه معروض قالان
دینداشلیریمک حاللری کوزلرله کورمکه موفق اولدم .
بلغارستان مسلمانلری بوکون اجنبی بویوندیرنی آلتنده یشایان عالم اسلامک